

۲۵ ذی الحجه ۱۳۳۰

پنجشنبه

۲۲ تشرین ثانی ۱۳۲۸

نومرو ۱۱ — ۲۴

نسخه سی ۲۰ پاره در

جریده

امور اداره و تحریریه و اعلانات و سائرہ ایچون مدبر
مسئولہ مراجعت ابدالمبدر .

آبونہ سی بر سنہک اعتباریلہ ممالک عثمانیہ ایچون
۱۶ و ممالک اجنئیہ ایچون ۲۰ غروشددر .

عرفای امتک مقالات متصوفانہ لرینہ جریدہ
صوفیہ نک حیفہ لری آجبقدر .

شمذیلک اون بش کونده بر نشر اولنور

عمل اداره باب عالی جوارنده ابوالسمود جاده سنده
نیم استقبال مطبعہ سی

تصوفی ، دینی اخلاقی ، جریدہ اسلامیہ در

نسبتاً - رؤياده كوريان بر طاقم عجائب و غرائب مثال - هیچ
حکمنده در ، بو سیدین (اعمال بر طاقم اعراضدن عبارتدر .
آنانر اعاده اولنسه بيله وزنی ممکن دکدر . برده اعمال مکلفین .
حق تعالیٰ نیک معلومی اولوب بو جهنله وزنی عبثدر .) دهرک
دلیل کتیرمه کز هر یرده امور آخرتی امور دنیایه قیاس ابتدا
یکدزدن ایلرو کایور ، بز احوال دنیایی ایسه . تبدلات متمایه
ایچنده فنایاب اولقی کبی بر حالتله مشاهده ایدیورر . بوندن
ماعدای بو دار فناده امور معاملات بشریہ بی بر انتظام تختنده ایفا
ابتدیرمک ایچون قانون الهی نه یولده جاری اولمشسه بزده او
حرمان احواله تابع اولارق قوه عذابیہ مزک ادراک ایدمک
مقدارده انجق او نسبتده بولنمش . عقلمزک ایرمدیکی نقطه نیک
غیر ممکن اولمشه بو سیدین قانع اولمشز :

اما امور آخرتک معاملات دنیویہیه مشابه اولمی لازم کلسه
ایدی ؛ اودار بقائک عیناً بودنیای کبی فانی واوراده کی احوال
واقعاک بوجهانده کتیه مثال اولمی ایجاب ایدر ایدی ؛ حالبوکه
یوم آخرتک مدت دواخی الی غیرالهایه بقایاب اولقی . و آندم
حصوله کله جک معاملات بوراده کندن بسبتون بشقه اولمقدر .
مع هذا ، طائفة مذکورہ نیک وزن اعمالی عبث عد ابتدکاریه
قارشو - خالق اعظمک عبث اولارق هیچ برشی خلق ایتمدیکی
بالبیان بعض احادیث شریفه وارد اولدیغنه کوره طاریله جق
شی دفتر اعمالدن عبارت اولدینی و اعمالک وزن اولنسنده بزجه
معلوم اولیان حکمتدر بولنمی و بو حکمته عدم و قوفز فلک عبث
اولمسانی ایجاب ایدمیه جکی - درمیان ایدیلرک جواب ویریلیر .
ادله مزی تقویه ایچون بر مثال کتیروب درزکه : بر مکتب
فرض ایدم ، طبعیدرکه . او مکتبده موجود طلبه نیک کافه سی
ایاروده بررتیه رفیعیه نائل اولقی و بوقدر چکیلن زحمتک آئیده
مکافاتی کورولمک املیه تیجه کوندوز سی و غیرنده قصورایتمیوب
تحصیل علمله مشغول اولورلر ؛ اما ایچنرندن بعضیسی تبدل
وخیالاز بولنیلیر . بو سیدین کرک مدبر مکتب و کرک معلمین
آنلری تادیبدن کیرو قالمزلر . اگر اصلاحی غیر قابل اولانلر
وارسه . آنلر استقباللری بسبتون محو ایتش اولورلر . شمدی
بالفرض مدبر افندی تکمیل طلبیه خطاباً - سز معین بر مدت
ظرفنده اکل تحصیل ابتدیککز حالد بالامتحان درجه لیاقتکزه
کوره شهادتنامه ویرمدیکمز کبی هر برلریکزه تالیفاتده
بولنیه جقز ، انجق جمله کزی انواع اشکنجه لرله هلاک ایدمکزه
دیسسه ، عیجا اوراده کی جوجقارک نه حاله کرتقار اوله جقاری
تفکر اولنسون ؟ ! نتیجه سی محوی موجب اوله جق بو قدر
مساعیدن دولایی کال مأیوسله مکتبی ترک ایدمک جکلری طبعیدر .
ایشته بو عالم فانی ده بعینه مکتب کبیدر ، ناسک هیئت مجموع عسیده
او مکتبک طلبلریدر ؛ معلملری پیغمبران عظام علیهم السلام

اه اعلم بالصواب محمد حلمی

نبوع العرفان فی تعریف الانسان

مبدأ ومعاد اعتباریله انسان ایچون اوج طور تعیین اولنه
بیایور [لقد خلقنا الانسان في احسن تقويم ، ثم رددناه اسفل
سافلين ، والا الذين آمنوا وعملوا الصالحات فلهم اجر غير ممنون]
آیات کریمهنده بو اوج طوره اشارت بلیغه واردر .
طور اول طور استعداد و قابلیت طور ثانی طور تنزل و حیوانیت
طور ثالث طور تکمیل و انسانیت ایکنجیسی اولان طور
حیوانیت طور قابلیت ایلله طور انسانیت آره سنده ایکی دکز آره سنه
کیرمش اولان قرمه بکزرکه [صرح البحرین یلتقیان بینهما برزخ
لایبقیان] آیت کریمیه اشارت بیوریلان عالم برزخدر [هلاک
علی الانسان حین مدالدم لم یکن شیئاً مذکوراً] آیت کریمه نیک

اقتضاسنه کوره انسان طور اولده (عالم ارواح) الست بر بکم خطاب عزتسه مظهر اولدقده یلی ونم قابلیت و استعدادیه طریق تنزله سلوک ایدوب موالید ثلاثه (جادات ، نباتات ، حیوانات) طرفندن طور ثانییه نازل اولور بوراده [انا خالقنا الانسان من نطفة امشاج نبتلیه فجعلناه سمیماً بصیراً انا هدیناه السبیل اماشاکراً واما کفوراً] آیت کریمه لربک تجلیاتسه مظهر در . انسان بو طور ثابده [وان ایس للانسان الا ماسی وان سمیه سوف یری] آیت کریمه لربک حکمتجه امتحان اولدقندن طور ثالثه ترقی ایده بیامک ایچون تقدیر آتینک بخش اتمش اولدینی اراده جزئییه سنک حسن استعمالی نظر دقته النسی ایجاب ایدر . سمع و بصیری و سائر سبل حیاتی طریق مشروع شکرده استعماله سی ایدر سه طور ثالثه ترقی ایدر که ایمان ایله عمل صالحک اجر غیر ممنونی و مکافات امتحانییه سی درجه تکمیلدر . قوای حسییه سی طریق ناه مشروعده استعمال ایله کفران نعمت ایدر سه اسفل سافلین طبیعت حیوانیه سی ترقی سی مانع اولور .

انسان عاقله لازم و واجب اولان [واذا انعمنا علی الانسان اعرض و أنابجانبه و اذا مسه الشرکان شوبساً قل کل یعمل علی شاء کانه فربکم اعلم بمن هو اهدا سبیلاً] آیت کریمه سنده اشارت بیوریان افمالدن احوالی رضای باری به توفیقه سی ایتمکدر و بو وسیله ایله مرتبه کاله واصل اولمقددر .

انسان شو عالم شهود و جمیع اینده طبیعت حیوانیه سی درکه سفایتدن درجه علویه اصعاده مأمور و مکلف بر مخلوق اشرفدر حضرت امام علی کرم اه وجهه و رضی اه عنه افندمک شو [دواءک فیک و ماتشمر ، و دواءک منک و ماتبصر ، و انت کتاب المبین الذی ، باحرفه یظهر المفجر . و زعم انک جرم صغیر . و فیک النطوی عالم الاکبر . فلاحاجة لک من خارج . و فیک فیک و ماتفکر . و تنظر فی الکتب کی تستفید . و عنک مصنفها یخبر .] منظومه بیغیه سی انسان کامل علویت قدری پک کوزل شرح و بیان ایلر حضرت مولانا قدس ام سره الاعلا افندیمز فاتحه مشویلریده اون سکر بیتله اطوار انسانییه بی تفصیلاً بیان بیورمش اولدقندن قارئین کرامه و قتیله مطالعه سی توصیه ایدر که شوراجقده به بشنو از نی چون حکایت میکند . از جدا بها شکایت میکند . بیت شریفنده کی نای دن مراد انسان کامل اولدینی برآز شرح و بیان و قارئین کرامه تقدیم ایدرز .

نایک انسان کامله وجه شبه و مناسبتی برقاج وجهه در اولان انسان کاملده هر بجلی قدرت حقدر اولدینی کبی نغمه نایده نایزک دمنه محتاج اولدینی ثانیاً انسان کامل فنا فی ام مرتبه سنده مسوادن تجرد ابتدیی کبی نایکده نهی درون اولمی ثالثاً انسان کامل عشق و محبت حقله منور القلب و نورانی الوجه اولدینی کبی نایکده رخ زرد اولمی رابعاً نایک سینه سنده یدی پرده اولدینی کبی انسان

کاملک حسیات دماغیه سنده بصر بصیرت سمع حقیقت ذوق محبت اه و بوی عرفانی شم ایچون یدی سوراخ یعنی ایکی کوز ایکی قولاق برقم ایکی بورون واسطه ماده و ظاهریه سیله حسیات معنویه به انتقال ایتسی خامسا انسان کامل « سرز هوا ناقتن از سرور بست . ترک هو اقوت پیغمبر بست » مفاد نجه هوسات نفسانیه دن اغراض و قوه قدسیه و استعداد و قابلیت ازلیه سیله امانت الهیه بی متحمل بولنسی .

« موتوا قبل ان تموتوا . تخلقوا باخلاق اه و التصفوا بصفات اه » اوامر شریفه سنه مظهر اولان انسان کامل طور اولدن طور ثانییه اولاً بالطبع واقع اولان سیر نزولی بی فرق ایدنجه طور ثالثه مکلف اولدینی سیر عروجیه بدأ ایدر [و اعد ربک حتی یأتیک الیقین] امر جلیل ربانییه سنک تجلیاتسه مظهر اولنجه به قدر اراده جزئییه سی صرف ایدر مبدائی بیله کدنصرکه مفاد فی ده فرق ایدر موت اختیاری ایله یقین استحصال ایده مزده حال طبیعی بی بکرسه موت اضطراری اویقینی بالطبع کتیره جک فقط چه فائده [من کان فی هذه اعمی و هو فی الاخره اعمی] محله خاموشانده سنک مزار لسان حال ایله (اه من الموت) تحسینی کویا اولمده دن موت اختیاری ایله ثولنر مزار موجودیت و هویتلرینه (هو الباقی) اشارتی فید قاب سلیمانی مرآت تامه و مظهر کل اتمکله حقیقت محمدیه به عارف اولانر مظهر قرب فرائض و قرب نوافل اوله کلدکارندن توحید افعال توحید صفات توحید ذات درجاندن مرتبه فنا فی الله بالترقی [اعطی کل شیء خلقه] مصداق نجه بحر وجوب ایله بحر امکان اره سنده حجاب حاجز و برزخ اولور له بشنو توزنی جها جها میگوید . اسرار نهفت کربا میگوید . رخ زرد و درون تهی و سرداده بیباد . بی نطق و زبان خدا میگوید .

[یوم لا ینفع مال ولا بنون الا من اتاه بقلب سلیم] واه بقول الحق و هو یدی السبیل

محمد شمس الدین

فتوحات اسلامیه

ما بعد

اهل ارندادک بر قسمی جناب پیغمبرک حال حیاتسنده ، بر قسمی ده از تحالندن صوکر پیدا اولمشدی . بونلردن برنجی قسمی تشکیل ایدنلر (یمن) له (یمامه) ده (بنی آسد و غطفان) آراسنده دعوا ی نبوته قالفیشان (اسود العنسی) (مسیلمه الکذاب) (طلحه بن خویلد الاسدی) ایله تابعلری ایدی .